



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1843**

CLXXXIII. Markgraf Otto von Brandenburg ertheilt seine Genehmigung zu  
allen dem, was König Rudolph dem Papste geschenkt oder bestätigt habe,  
am 12. September 1279.

---

---

**Nutzungsbedingungen**

[urn:nbn:de:hbz:466:1-56055](https://nbn-resolving.org/urn:nbn:de:hbz:466:1-56055)

inspecturis salutem in Auctore salutis. Complectens ab olim sibi etc. (Wörtlich übereinstimmend mit der hiernächst folgenden Bestätigung des Markgrafen Otto vom 12. September 1279 bis) Actum et datum anno Domini MCCLXXIX. XIII. kal. Aprilis, Indictione septima, regnante predicto Domino nostro Rodolpho Romanorum Rege glorioso, Regni ejus anno sexto.

Aus König's Spicileg. ecclesiastic. Cont. I, S. 182.

**CLXXXIII.** Markgraf Otto von Brandenburg ertheilt seine Genehmigung zu allen dem, was König Rudolph dem Papste geschenkt oder bestätigt habe, am 12. September 1279.

Otto, Dei gratia marchio Brandenburgensis, omnibus presentem paginam inspecturis. Complectens ab olim sibi Romana mater ecclesia quadam quasi germana charitate Germaniam, illam eo terrene dignitatis nomine decoravit, quod est super omne nomen temporaliter tantum presidentium super terram; plantans in ea principes tanquam arbores pre-electas, et rigans illas gratia singulari, illud eis dedit incrementum mirande potentie, ut ipsius ecclesie auctoritate suffulti, velut germen electum per ipsorum electionem illum, qui frena Romani teneret imperii, germinaret. Hic est illud luminare minus in firmamento militantis ecclesie per luminare maius, Christi vicarium, illustratum. Hic est, qui materialem gladium ad ipsius nutum ecutit et convertit, ut eius presidio pastorum pastor adiutus oves sibi creditas spiritali gladio protegendo communiat, temporali refrenet et corrigat ad vindictam malefactorum, laudem vero credentium et honorum. Ut igitur omnis materia dissensionis et scandali, seu etiam rancoris occasio inter ipsam ecclesiam et imperium auferantur, et ii duo gladii in domo Domini constituti, debito federe copulati, se ipsos exerceant in utilem reformationem regiminis univervi; et nos in actu voluntatis et operis inveniamur filius devotionis et pacis, qui tam ecclesiam, quam imperium conservare tenemur, quicquid per dominum nostrum Rudolphum Dei gratia Romanorum regem semper augustum, sanctissimo patri et domino nostro domino Nicolao pape III. eiusque successoribus, et ipsi Romane ecclesie recognitum, confirmatum, ratificatum, innovatum, de novo donatum, declaratum sive concessum, iuratum et actum seu factum est per privilegia, vel quecumque alia scripta quorumcumque tenorum super recognitionibus, ratificationibus, approbationibus, innovationibus, confirmationibus, donationibus, concessionibus et factis seu gestis tam aliorum imperatorum et regum Romanorum predecessorum regis eiusdem, quam ipsius regis; et specialiter super fidelitate, obedientia, honorificentia et reverentia per Romanos imperatores et reges Romanis pontificibus et ipsi ecclesie impendendis, ac possessionibus, honoribus et iuribus eiusdem ecclesie et nominatim super tota terra, que est a Radicofano usque Ceperanum, marchia Anconitana, ducatu Spoletano, terra Comitisse Mathildis, civitate Ravenna et Aemilia; Bubio, Cesena, Foropopuli, Forlivio, Faventia, Imola, Bononia, ferraria, Comaclo, Adria atque Gabello; Arimino, Urbino, Monte feretri, territorio Balnensi, comitatu Bretenorii, exarchatu Ravenni, Pentapoli, Massa Trabaria cum adiacentibus terris et omnibus aliis ad predictam ecclesiam pertinentibus, cum omnibus fini-

bus, territoriis atque insulis in terra marique, ad provincias, civitates, territoria et loca predicta quoquo modo spectantibus, nec non super civitate Romana et regno Sicilie cum omnibus ad ipsam spectantibus tam citra Farum, quam ultra; Corsica quoque atque Sardinia, et ceteris terris ac iuribus ad ipsam ecclesiam pertinentibus, nos nostri nomine principatus in omnibus et per omnia approbamus et ratificamus; ac eisdem omnibus et singulis et quibuscunque aliis super eisdem per eundem regem quoquo modo factis et in posterum faciendis, voluntatem nostram, assensum atque consensum, irrevocabiliter exhibemus, et promittimus, quod contra premissa vel aliquod premissorum nullo unquam tempore veniemus, sed ea omnia et singula pro posse nostro procurabimus inviolabiliter observari. Et ut hec nostra voluntas, approbatio, ratificatio, assensus, consensus atque promissio a nobis eisdem Romanis pontificibus et ecclesie in perpetuum observentur, hoc presens scriptum inde fieri fecimus nostrorum sigillorum munimine roboratum. Datum et actum anno Domini MCCLXXIX. II. Id. Septemb., regnante predicto domino nostro Rodulpho Romanorum rege glorioso, regni eius anno VI°.

Nach Künig, Spicileg. ecclesiastic. Cont. I, S. 183. Perz, Monumenta historica Germaniae IV. Leg. II. 421. 422. Buchholz IV, 108.

**CLXXXIV.** Otto, Albert und Otto, Markgrafen von Brandenburg, schenken dem Nonnenkloster zu Dobbertin das Dorf Sagewitz, am 9. Januar 1280.

In nomine sancte et individue Trinitatis Amen. Nos Otto, Albertus et Otto, Dei gracia Marchiones Brandenburgenses, omnibus in perpetuum. Humane actiones a memoria hominum laberentur, si non voce testium vel literarum testimonio firmarentur: fidele namque scriptura tenet testimonium atque ratum. Hinc est, quod nos pietate moti, clauetro Dobbertin sanctimonialium, ordinis sancti Benedicti, damus villam Sagheuitze cum omni proprietate et cum omni potestate juris, nichil juris in eadem villa prehabita retinentes. Damus itaque cum eisdem limitibus siue metis, sicuti ipsa villa nunc locata consistit, et si qui sint aqueductus, in quibus possent construi molendina, et cum omnibus attinenciis, lignis, paschuis atque pratis. In horum predictorum certitudinem evidentem, presens scriptum scribi fecimus et sigillorum nostrorum appensione iussimus roborari. Rei hujus testes sunt Gheuehardus venerabilis Episcopus Brandenburgensis, Helmoldus et Nicolaus Comites Zwerinenses, (Jaczo?) de Gutzekowe, Geuehardus de Aluenfleue, Arnoldus Jagowe, Zabellinus de Reddigtorp, nostri milites predilecti. Datum in Kyritz, anno Domini M°. CC°. LXXX°. V°. Idus Januarij

Nach Rubloff, Cod. dipl. hist. Meg. I, 103. 104.